

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“ broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 14. sjednici, održanoj dana 11.06.2015. godine
d o n o s i

ZAKLJUČAK

o utvrđivanju Prijedloga Odluke o korištenju sredstava prikupljenih od naknada za promjenu namjene poljoprivrednog zemljišta

I.

Utvrđuje se Prijedlog Odluke o korištenju sredstava prikupljenih od naknada za promjenu namjene poljoprivrednog zemljišta.

II.

Prijedlog Odluke iz tačke I ovog Zaključka upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Miralem Galijašević

Broj: 02-_____/15.

Datum, 11.06.2015. godine

Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.

Obrazloženje

Pravni osnov:

Sadržan u članu 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10).

Razlozi donošenja:

Programom rada Skupštine Zeničko-dobojskog kantona za 2015. godinu planirano je donošenje Odluke o izmjeni Odluke o korištenju sredstava prikupljenih od naknada za promjene namjene poljoprivrednog zemljišta.

Pomenute izmjene su rezultat prihvatanja inicijative Udruženja poljoprivrednih proizvođača „Bistričak“ iz Nemile.

Kako su u pitanju obimnije izmjene u smislu izmjene članova te da je do sada bila već jedna izmjena, smatramo da je svrsishodnije donošenje potpuno novog teksta Odluke, radi lakše primjene iste.

Finansijski efekti:

Za provođenje ovog zaključka nisu potrebna finansijska sredstva.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na ____ sjednici održanoj dana _____.2015. godine donosi

ODLUKU

o korištenju sredstava prikupljenih od naknada za promjenu namjene poljoprivrednog zemljišta

Član 1.

(1) Sredstva prikupljena od naknada za promjenu namjene poljoprivrednog zemljišta, koja su predmet ove odluke, prikupljaju se i raspodjeljuju u skladu sa Zakonom o poljoprivrednom zemljištu („Službene novine FBiH“ broj 52/09).

(2) Prikupljena sredstva su namjenska sredstva i koristit će se isključivo za uređenje poljoprivrednog zemljišta namijenjenog primarnoj poljoprivrednoj proizvodnji.

(3) Za korištenje ovih sredstava ne mogu se kandidirati poljoprivredne parcele koje su prostornim planom općine određene za građenje, parcele koje se u zemljišnim knjigama vode kao šumsko zemljište, pašnjaci i parcele čiji korisnici imaju zakonsku obavezu rekultivacije.

Član 2.

(1) Programom korištenja namjenskih sredstava prikupljenih od naknada za promjenu namjene poljoprivrednog zemljišta propisuju se okvirni uslovi za prijavu i dodjelu istih.

(2) Uputstvom se detaljno propisuju način i uslovi za ostvarenje prava na odobravanje namjenskih sredstava.

Član 3.

Pravo korištenja sredstava imaju fizička i pravna lica koja ispune sljedeće uslove:

- a) imaju zemljište i prebivalište na području Zeničko-dobojskog kantona,
- b) prijave se na Javni poziv koji raspisuje Ministarstvo za poljoprivredu, šumarstvo i vodoprivredu Zeničko-dobojskog kantona,
- c) provedu mjere uređenja u skladu sa Uputstvom, a koje propisuje Ministar Ministarstva za poljoprivredu, šumarstvo i vodoprivredu Zeničko-dobojskog kantona (u daljem tekstu Ministar),
- d) zasnjuje primarnu poljoprivrednu proizvodnju na uređenoj parceli u optimalnom roku zasnivanja za prijavljenu primarnu poljoprivrednu proizvodnju,
- e) nemaju dospjelih a neizmirenih obaveza po osnovu poreza i drugih javnih prihoda,
- f) imaju riješene vlasničke odnose (vlastito zemljište).

Obradu prispjelih zahtjeva obavlja službenik nadležan za poslove za upravljanje i zaštitu poljoprivrednog zemljišta.

Član 4.

Programom korištenja namjenskih sredstava prikupljenih od naknada za promjenu namjene poljoprivrednog zemljišta propisuju se okvirni uslovi za prijavu i dodjelu istih.

Član 5.

Uputstvom se detaljno propisuju način i uslovi za ostvarenje prava na odobravanje namjenskih sredstava.

Član 6.

(1) Stručnu komisiju koja će provesti postupak imenuje Ministar.

(2) Komisija je sastavljena od četiri (4) člana:

- dva člana iz Ministarstva za poljoprivredu, šumarstvo i vodoprivredu (u daljem tekstu Ministarstvo) i

- dva člana iz Općine (diplomirani inženjer poljoprivrede i geometar ili geodet).
- (3) Općine su dužne dostaviti prijedlog za članove Stručne komisije u roku po zahtjevu Ministarstva.
 - (4) Ukoliko Općine ne dostave prijedlog članova komisije u traženom roku zahtjevi poljoprivrednih proizvođača sa područja ovih općina neće se obrađivati.
 - (5) Stručna komisija koju imenuje Ministar propisuje mjere uređenja poljoprivrednog zemljišta.
 - (6) Nakon što stranka završi uređenje i zasnjuje prijavljenu proizvodnju ocjenu provedenih mjera uređenja zemljišta obavlja Stručna komisija uvidom na terenu.
 - (7) Komisija za svoj rad odgovara Ministru.
 - (8) Na osnovu uviđaja Stručne komisije Ministarstvo radi obračun za odobravanje sredstava. Ministarstvo dostavlja Vladi Zeničko-dobojskog kantona prijedlog zaključka o odobravanju sredstava za uređenje poljoprivrednog zemljišta.
 - (9) U slučaju da stranka ne provede mjere uređenja koje je propisala Stručna komisija ili ne zasnjuje prijavljenu proizvodnju, Ministar na prijedlog Stručne komisije donosi rješenje o odbijanju zahtjeva za korištenje sredstava prikupljenih od naknada za promjenu namjene poljoprivrednog zemljišta.
 - (10) Na rješenje Ministra može se izjaviti žalba Federalnom ministarstvu poljoprivrede, vodoprivrede i šumarstva u Sarajevu u roku od 15 dana od dana prijema rješenja.

Član 7.

Sredstva za uređenje poljoprivrednog zemljišta odobravaju se u maksimalnom iznosu do 5.000,00 KM/ha.

Član 8.

- (1) Troškove rada Stručne komisije snosi podnosilac zahtjeva.
- (2) Visina naknade za rad Stručne komisije iznosi od 200,00 – 1000,00 KM u zavisnosti od prijavljene površine zemljišta.
- (3) Prikupljena sredstva po ovom osnovu koristiće se za plaćanje članova komisije iz Općina, a preostali dio će se prikupljati na zasebnoj partiji i usmjeriti za nabavku opreme za rad komisije na terenu (automobil, GPS uređaj...).

Član 9.

Ovom Odlukom stavljaju se van snage Odluka o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj 10/06 od 20.09.2006.) i Odluka o izmjenama i dopuni Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj 04/08 od 28.04.2008. godine).

Član 10.

Odluka stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-24-_____/15
Datum: _____.____.2015. godine

PREDSJEDAVAJUĆA
Draženka Subašić

OBRAZLOŽENJE

PRAVNI OSNOV

Član 54. Zakona o poljoprivrednom zemljištu (Sl. Novine Federacije Bosne i Hercegovine broj: 51/09) i član 37. Stav 1. tačka f) Ustava Zeničko-dobojskog kantona.

RAZLOZI DONOŠENJA

Udruženje poljoprivrednih proizvođača „Bistričak“ iz Nemile pokrenulo je inicijativu za izmjenu Odluke o koritenju sredstava prikupljenih od naknada za promjenu namjene poljoprivrednog zemljištanezadovoljni provođenjem iste. Službenici Ministarstva za poljoprivredu, šumarstvo i vodoprivredu takođe su, na osnovu stečenih iskustava, smatrali da postoji potreba da se Odluka mijenja u smislu preciziranja njenih odredbi i eliminacije monopolskih statusa pojedinih subjekata ugrađenih u prethodnoj Odluci.

FINANSIJSKI EFEKTI

Sredstva koja se prikupe od naknada za promjenu namjene poljoprivrednog zemljišta su namjenska i isključivo se mogu koristiti u svrhe propisane Zakonom o poljoprivrednom zemljištu. Ova Odluka propisuje način trošenja istih. Donošenje nove odluke ima za cilj da se ova sredstva troše racionalno i pravedno. Dodatno ovaj cilj biti će realiziran kroz programe utroška sredstava koje Vlada Kantona na prijedlog Ministarstva donosi za svaku godinu. Finansijski efekti ove Odluke i programa izrazit će se u povećanju proizvodnje na uređenim parcelama, a rezultat su popravke plodnosti zemljišta realizirane kroz stručne prijedloge ovlaštenih institucija za pedologiju.

TUMAČENJE SADRŽAJA PREDLOŽENE ODLUKE

U članu 1. Objašnjava se način prikupljanja sredstava, njihovo isključivo namjensko korištenje i navode se parcele koje se ne mogu kandidirati za korištenje ovih sredstava.

U članu 2. Navedeni su akti koje svake godine donose Vlada i Ministarstvo u svrhu provođenja Odluke (Program i Upustvo).

U članu 3. Navode se osnovni kriteriji koje treba da ispinjavaju potencijalni korisnici sredstava.

U članu 4. I 5. Objašnjeno je šta sadrže Program i Upustvo.

U članu 6. Objašnjena je uloga i način formiranja Stručne komisije koja realizuje za svaku godinu posebno Program korištenja sredstava od pretvorbe poljoprivrednog zemljišta u nepoljoprivredne svrhe.

U članu 7. Regulisan je način prikupljanja sredstava za rad Stručne komisije, plaćanje pojedinih članova iste i korištenje preostalih sredstava za nabavku opreme za rad kosisije.